



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Et Secvndo. de iis Qvae Fivnt In medio transformationis modi descendentis.
Paraphrasis XI.

urn:nbn:de:hbz:466:1-9766

ET SECUND O

DE IIS QVÆ FIVNT IN MEDIO
TRANSFORMATIONIS MODI DES-
CENDENTIS.

PARAPHRASIS VNDECIMA.

Quis hominum scit quæ sunt hominis, nisi a spiritus hominis, qui in ipso est. ac si diceret, donum sapientiæ in suo summo tam excessiue spiritum tuum illustrabat, & amoris actionibus extra statum suum dimouebat; vt quodammodo tui iuris non essem, & ea, quæ spiritus tui erant, ignorares: iam verò in media regione, conformiter ad spiritum, qui in te est, suavitatem spiritus diuini experieris, pro ut in sequentibus dicetur.

- I. Propria operatio quamdiu in medio Transformationis descendenter versatur, est secessus mystici vivacitas.
- II. Proprius spiritus à captiuitate diuina absoluitur.
- III. Lumine Transformationis contemperato, vivacitas proprij spiritus reddit & clara visionis similitudinem in se exprimit.
- IV. Quantò magis ad mediam regionem descendit; tanto altius regionem spiritus diuini supræ habet.
- V. Adequatis operationibus intellectus & voluntatis, usque ad inferiorem regionem descendit.

ARTICVLUS PRIMVS.

Propria operatio quamdiu in medio Transformationis descendenter versatur, est secessus mystici vivacitas.

Viderunt b sub pedibus Dei Israel, quasi opus lapidis saphirini, & quasi colum, cum serenu est. ac si diceret,

nis situs, à supremo aliis est, ita quoq; aliam habitationem constituit. quemadmodum qui prius in alto erat, cum ad medium descenderit, ille quidem respectu inferiorum adhuc in summo, respectu superiorum autem, in infimo est: supremum enim infimi, infimum duntaxat est supremi. & ideo sub opus-

a 1 Cor. 2. b Exo. 24.

opusque illud pretiosum, & aspectu delectabile lapidis saphirini; qui lapis colore aureis punctis relucet, & operationes mysticæ Transformationis, tanquam stellas scintillantes producit: cum eo tamen, ut ordinarium lumen, & bene-afficiens sit ad instar cœli, cum serenum est, & oculis longè gratius, quam intensus sol lucidissimis radijs splendens lumen suum visui non temperabat, hinc, & violentiam quādam patiebatur, dum in summo Transformationis versareretur, & amoris vehementia extra statum suum dimouebatur: iam verò sereno intellectuali cœlo, & suaui mentis excessu, toto eo tempore, quo in medio huius Transformationis dedit, supereminente illam charitatem Dei digerit, & inescat; semper plena realitate sese descensui conformando, & in secessu mystico, siue intimissima tranquillitate, admodum vicinè diuinam bonitatem penetrando, ita ut in omnibus existentibus, nil nisi prout in summo Bono existunt; eiusque imagines, seu particulæ quædam sunt, intueatur: idque secundūm optimum modum operandi in hac vita, per quem in actus exercitio scit, quæ à Deo donata sunt sibi; sicut Beati in cœlo simultaneè intelligunt se beatos esse. Prout magis articulatè in sequentibus dicemus;

Proprius spiritus à captiuitate diuina absoluatur.

ARTICULUS SECUNDUS.

Intrans in domum meam, conquiescā cum a illa (sc. sapientia;) non enim habet amaritudinem conuersatio illius, nec tedium conuictus illius, sed lætitiam, & gaudium. ac si diceret: ô pia anima, licet paulatim à forti illo tractu, ceu à diuina captiuitate absoluaris, & in spiritu proprio viuacitatem tibi magis proportionatam experiaris; non ideo tamen ab eminēti charitatis vitali vsu cessas, ita ut interruptio fruitionis diuinæ contingat; sed à supersplendentī lumine recedens, in domum spiritus tui intras, ibiq; habitas cum sapida illa in Deo bene-afficiens. quæ cum totam tuam capacitatem, seu velle, & posse impleat, non habet amaritudinem conuersatio illius, nec tedium conuictus illius; sed huic regioni, & situ mentali conformem, & plenam lætitiam, ac gaudium in adæquato actu intellectus, & voluntatis; ceu in æquilibrio, & linea recta, quo ita libero, ac soluto animo iungaris ei, qui lumen suæ supersplendentis Deitatis visui tuo contemperat.

Et per hæc quidem omnia, ut præambula; perfectè tamen disponentia, in exercitio actu transeundum erit, absq; conamine tam altè transcenden-
do, sicut fiebat cum adhuc in summo spiritus diuini versareris: dein aspectus

H h

spi-

a Sap. cap. 8.

spiritus ad eum qui intimè, & quasi in ipso capite tuo suauissimas Diuinitatis suæ influentias distribuit, conuertendus est. sic enim cum maxima lætitia, & gaudio spiritus, ad suaves mentis alienationes, & ecstasis vicinas abstræctiones abducere: ibidem amoris arcanae inactiones suscipiendo. Quam feliciter porrò hæc siant, ex sequentiibus magis clarum fiet.

Lumine Transformationis contemporato, viuacitas proprijs spiritus reddit, & clara visionis similitudinem inse se exprimit.

ARTICVLVS TERTIVS.

Ecce a regnum Dei intra vos est. ac si diceret: ô pia anima, non est quod cogites, te continuò eminenter supra te Deum quærere debere, cum ipsum regnum Dei intra te sit; in eo, quod sicut Beatis in cœlo, ipse Diuinitatis splendor (pro cuiusque dignitate) à Deo contemporatur, vt absque violentia, ac grato prorsus modo, illum suscipere valeat; ita quoque hoc loco tibi eneniet propter modificationem super-splendentis luminis transformantis, quod in suo summo ex forti elevatione ad superiora attrahebat: iam verò benignè remittens, tibi in temetipsa, amicabili modo, collucet; quo ita in te, & in omnibus quæ circumstant, & quoquo modo percipiuntur ita habites, vt tamen etiam perfectè quæ Dei sunt vi-

deas, maximèque diligas, nil distractio-
nis aut incommodi patiens ab ijs, quæ
Deo minora sunt, & vt primi Veti, Boni-
quæ imagines, ac particulæ existunt,
his itaq; cum ob descentum ad medium
regionem, proprij spiritus viuacitas ac-
cedat, & à nimia illustratione diuina
absoluatur, suique iuris magis magisque
fiat; mitiori modo, & humanae condi-
tionis per quam accommoda exercita-
tione, virtæ beatæ similitudinem in se
quodammodo circumfert. vt enim in
cœlo Beati sic Deo intendunt, eiusque
gloria fruuntur, vt etiam simul aliud, &
dicere & facere possint, temper principaliori
beatitudine in semetipsis gau-
dium vitæ æternæ circumferentes, idq;
simultanea notitia, quod in Deo beati
sint: pari modo iam mysticus in omni-
bus quæ agit, & percipit, quæque Deo
minora sunt, vt particulæ, & vestigia
diuinæ bonitatis intuetur, ac simultaneè
vitale suum in Deo bene-affici cog-
noscit, & scit quæ à Deo donata sunt li-
bi; idq; non tam ex actuali expressione,
per operationes intellectus & voluntatis;
quam ex dono sapientiæ vitaliter
afficiente, & ex abundantia superiorum
virium, in inferiores vites, ac totum
hominis compositum influente, est ita-
que eiusmodi supereminentis splendo-
ris remissio, in mediâ hac Transfor-
mationis regione, & mentali situ, longè
gratissima; ac viatori maximè propor-
tionata; cum in ea, ceu in statu inno-
centiæ, per inspirationem internam, &
vitalem communionem, modo ange-
lico

a Lyc. 17.

lico cœlestium exemplaria in semetipso circumferat; ita ut fruitio vitæ æternæ, quæ nunc est, umbra & imago sit futuræ Beatitudinis.

Iam verò pro exercitio actus hæc omnia, quantumcunque cœlestia sint, ut præambulum, & imperfectum quid, seu quod per actus operationes longè perfectius, & substantijs separatis conformiores modos depurari, ac subtilizari debeat, accipienda, & deferenda sunt; dein oculus spiritus ex prædictis omnibus diuinis illustrationibus præclarior factus, ad diuinum Bonum, & Pulchrum dirigendus; ut sic spiritus in operationibus supremis, per verba mystica, ac mentis locutiones, totum id, quod felicitatis ex diuino confortio habet, renouet, foueat, ac scrutetur, usque ad profunda Dei; prout amplius consequenter dicemus;

Quantò magis ad medianam regionem descendit; tantò altius regionem spiritus diuini supræ se habet.

ARTICVLVS QVARTVS.

Frit a lux luna sicut lux solis. ac si diceret: ô pia anima, cum ea quæ in spiritu intimè abscondita sunt, pro sui intensione, vel remissione in viribus inferioribus, seu sanctis imaginibus semper reluceant, atque in ijs infinito modo quidem; attamen, ut fieri potest, conuenientissimo resultant: hinc est, quod regionem supremam spiritus di-

uini ab intensissimis splendoribus remittentem, iam velut summè supra distantem, maximèque eleuatam conspietas. idque semper è amplius, quò in medio hoc mentali situ ad inferiora descenderis, cum eo tamen ut lux lunæ, tibi sicut lux solis, tamque integrè, & plena fruitione in lumine remisso, tuæque naturali dispositioni contemperato, vitæ æternæ delicijs affluas, quam in summo: & eo magis, quod scilicet oculus internus, non amoris violentia à statu suo dimotus, ipsam felicitatem mysticam, tanquam sibi connaturalem habeat, possideatque. sicut etiam oculus corporis multò iucundius lumine diei fruitur, si sol nubeculis utcunque obrectus splendentes radios cohibeat. vndē sicut ad videndum aliquid non est necesse videre substantiam Solis; ita quoque ad perfectam, & absolutam pro Nunc instanti mysticam felicitatem, non amplius est necesse supersplendentibus illustrationibus indui, cum eorum loco, lux huic intensioni proportionata ad actus adæquatæ dilectionis, & intellectus exercendos, integrè sufficiat; non obstante, quod indies animaduertat regionem spiritus diuini, in qua in summo versabatur, supra se persistere.

Interea pro exercitio actus non tantum regio spiritus diuini in alto remans, & illustrationes ab intenso lumine remittentes; sed etiam quidquid interne bene-afficiens habetur, ut præambulum, & imperfectum quid accipien-

Hh 2

dum

a Isai. cap. 22.

dum est, & oculus mitiori lumine perfusus, ad lumen, & bonum quod illuminat, & beat omnem hominem, extendens, atque ab omnibus quæ sunt, & quæ non sunt depurandus est; quo ita ei, qui his omnibus præstat, ad æquato actu intellectus, & voluntatis, hoc quod in se verum est, ac realiter vitali communione in Deo bene-afficit, ita possideat, ut plus non appetat, nec minus appetat, quam velit, nec plus intelligat, quam a actu diligat, nec plus diligat, quam a actu intelligat. atq; hoc est vera, reali, ac integra adoratione Deum Patrem (supra omnia præstantem) in spiritu, eiusq; infima regione, mentali situ reuereri; vera amoris consecutione Deum adorare, ac potentij intellectus, & voluntatis adæquatè actuatis, in illum pietate transformari; cum ineffabili omnium, prout sunt in prima veritate, reluentia: qua mediante etiam fit, ut cuncta quæ in inferioribus videt, ac secundum spiritum, animam, & corpus attingit, tantum bona valde, & diuinæ, & supereminentis bonitatis, veritatisque imagines, ac particulae.

Adæquatis operationibus intellectus & voluntatis, usque ad inferiorem regionem descendit.

ARTICVLVS QVINTVS.

Venit a hora, & nunc est, quando veri adoratores adorabunt Patrem in spiritu & veritate. ac si diceret: ô pia anima, omnis operatio mystica, si secundum suam perfectionem consideretur, talis esse debet, ut adæquatè procedat, secundum intellectum quidem, ut sit remota, & superexaltata ab omni eo, quod ut inferius transcedi potest; secundum voluntatem vero ut bonum proportionatum tam subtiliter amet, quam intelligit: hoc ipsum autem iam vel maximè fieri potest, & debet. unde nunc est hora in proprio spiritu adorandi Deum, secundum illam veritatem amoris, quam realiter, ac verè in hac media, & magis magisque descendens

te mentis regione, & situ reperit; absque conatu se erigendi ad sublimes illas, ac supersplendentes illustrations, quæ in summo huius Transformacionis contingebant: sed adæquato actu intellectus, & voluntatis, hoc quod in se verum est, ac realiter vitali communione in Deo bene-afficit, ita possideat, ut plus non appetat, nec minus appetat, quam velit, nec plus intelligat, quam a actu diligat, nec plus diligat, quam a actu intelligat. atq; hoc est vera, reali, ac integra adoratione Deum Patrem (supra omnia præstantem) in spiritu, eiusq; infima regione, mentali situ reuereri; vera amoris consecutione Deum adorare, ac potentij intellectus, & voluntatis adæquatè actuatis, in illum pietate transformari; cum ineffabili omnium, prout sunt in prima veritate, reluentia: qua mediante etiam fit, ut cuncta quæ in inferioribus videt, ac secundum spiritum, animam, & corpus attingit, tantum bona valde, & diuinæ, & supereminentis bonitatis, veritatisque imagines, ac particulae.

Vt autem hæc ritè fiant, pro actis exercitio mentales regiones, situsvè, ac insuper ipsum suum vitale habere, ac præambulum ut imperfectio; attamen ut conformis dispositio ad intimius operandum, accipienda sunt, ac deserenda; pro principio autem operationis subtilis cogitatio de summo Bono, & Pulchro assumenda est, ad eliciendam maximè spiritualem similitudinem, seu speciem; quam fecunditas intellectus vident-

a Ioan. cap. 4.

videndo illustrat, illustrando perficit: interea amatiuam vim tam subtiliter alliciens, ut videndo Pulchrum ita subtiliter à consortio diuinæ naturæ afficiatur, vt quodammodo operationes substantiae separatae attingat, & adæquatè, id est, tam spiritualiter diligit, sicut intelligit; toto hominis composito in

pace silentique gaudio, sibi proportionatis modis confruente; idque tamdiu, quoadusque constanter animaduertat, sese ob continuum descensum ad infimam regionem deuenire: quo facto, ad ea, quæ sequentí paraphrasi dicuntur, transendum erit.

ET TERTIO

DE IIS QVÆ FIVNT IN INFIMO TRANSFORMATIONIS MODI DESCENDENTIS.

PARAPHRASIS DV ODECIMA.

Gratia Dei diffusa a est in cordibus nostris per Spiritum Sanctum, qui datus est nobis. ac si diceret, sicut in summo spiritus proprius ad altiora se non admittebatur, ita & in spiritu proprio, inferioris hominis machina tanquam ab eminentiori se, substare cogebatur. descensu ergò Transformationis declinante, spiritus proprius non amplius in media; sed infima regione viuere, & degere habet: ita vt ipsa quoque hominis inferioris circumferentia, proportionatis sibi modis, & actionibus spiritualibus diuinis coniungatur, percipiatque, quam intimè gratia Dei diffusa sit in cordibus nostris per Spiritum sanctum, qui datus est nobis: pro ut in sequentibus dicendum est. &

- I. Propria operatio quamdiu in infimo Transformationis descendenter veratur, est silentij mystici quieta fruitio.
- II. Obumbratio diuinæ fruitionis in homine inferiori vinacissima quiete poscidetur.
- III. Plena fruitione continuò descendit, quousque, sicut spiritum diuinum; ita & spiritum proprium suprase in alto videat.
- IV. Remittente lumine Transformationis, descensus in profundo habitacionem constituit.

V.

a Rom. 5.